



**Hexaēmeron Hē Toi, Kosmourgia, Georgiou tou Pisidou
diakonou ...**

Georgius <Pisida>

Lutetiae, 1585

De mundi totius ornatu

[urn:nbn:de:hbz:466:1-70102](#)

Cherubim, Potestates, Thronorum exercitus,
Seraphimque cunctus celeritate immobili
Stans aduolat, fixusque pernix cursitat:
Binis & alis velat aspectum suum,
Alisque geminis protegit pedes suos,
At alteris binis in altum tollitur.

- 170 † Aptantque Numinis iubar ter lucidum
Ad vnicam venerationem principem.
Sicque euidenter indicant, dum diuidunt
Iunguntque verbum, quod fluit diuinitus,
Hypostases diuiduè honorandas quidem,
Substantiam at solùm esse adorandam vnicam:
Plana docentes, recta & in Deum fide,
In carne Filium editum, Verbum sacrum,
Extraneam haud quaternionem admittere,
Personam at vnam, principatum vnum Dei,
Verbum ante carnem colere, post carnem quoq;
180 Simul Dei naturâ & hominis præditum:
Non auctione fusum, & indiuisum ea
Partitione, à mixtione liberum:
Idem est duplex, simplexque, purum maximè.
Tu pulchritudine orbium cœlestium,
Quamplurimorum siderum pratum seris,
Ornas tenebras, & diem velo induis,
Lucemque lustras, vesperumque atrum facis,
Ignem excolis, seménque in vndas coniicis,
Opes egenis quas recondis omnibus.
190 Subtile corpus, Aërem, tu dissipas,

† vide an leg.
Sanctumque
numinis me-
los ter cōci-
nunt.

De Mundi
toti' ornatu.